

Aldiënza dla defensuria zivica en vëndres, ai 11 de setëmbër, dales
14.30 ales 16.00, tla ciasa de comun a San Martin - 0471 946 020

LÎTES DE COMUN: Invit ala presentaziun dla Lista da San Martin en
lönesc, ai 14 de setëmbër, dales 20.00, tl gran salf.

PLOANIES SAN MARTIN Y LUNGIARÜ

La Diozeja á publiché chëstes mudaziuns de inciaria di proi cun faziun dal
01 de setëmbër 2020:

Klaus Sottsas wird zusätzlich zum Pfarrseelsorger von Antermëia und
Rina ernannt.

Paul Campe wird zum Seelsorger in Al Plan, La Pli, Rina, Antermëia,
San Martin und Lungiarü ernannt.

Heinrich Perathoner wird zusätzlich zum Seelsorger von Antermëia und
Rina ernannt.

SAN MARTIN

En chësc dedemesaledema vëgnel indô sié la cortina. En caje de bur
tëmp la jöbia. Chi che á dlaurela da gní a daidé, é peria da telefoné o da
mené n sms a Leo 348 40 96 351 cina en dedolönesc.

La Portina por l'assistënza y la cura mët a jí na incuntada por chi che
socodesc a ciasa porsones vedles y/o amarades, sot al tema "Ich pflege
dich und schau auf mich.". Al gnará fat eserzizi de relassamënt, de pices
meditaziuns y porté dant val' storia dala bona lóna y al sará ince na bona
ocajion da baié cun porsones che é tla medema situaziun. La incuntada
vëgn tignida da Margareta Fuchs da Porsenú, en dedemesaledema, ai
30 de setëmbër, dales 15.00 ales 17.00 tla Ciasa de Palsa. Les iscriziuns
vëgn tutes sö cina ai 21 de setëmbër por telefon 0474 524 513.

*Angel de Dî,
tö mi protetur,
i me surandá a te.
Ciara de me y condijeme.
Stáme dlungia y dëideme
y porta mi perié dan da Idî.*



Tl mëis de setëmbër
periunse a d'intenziun dl Papa
ch'al ne ti vëgnes nia arobé fora y
lauré sö dotes les materies prömes a nosc
planët, mo ch'ares vëgnes partides
sö iüstamënter y adorades te na manira
che sides d'ütl ince por le dagní.

*Signur tö es le tru, la verité y la vita.
Insciö te surandunse nüsc mituns y nüsc jogn che mët man indoman n ann
de scora nü; acompagnëii, ch'ai röies te de bunes compagnies y ais la forza
da mëte man cun buna vöia y confidënza tl aiüt de Dî.
Iluminëia les maestres y i insegnanc y scinchi motivaziun y ligrëza.*



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunite

60.09 - 13.09.20 nr. 41

23^a DOMËNIA IA POR L'ANN - A

Vangele do Matî 18,15-20

Te chël tëmp à Gejù dit a sü discepu: Sce to fre fej piécé, spo va da d'ël
y amonëscel sot a cater edli! Te mëtel averda, spo aste davagné to fre.
Ne te mëtel nia averda, spo tol cun të un o dui ëi, deache vigni cossa
mëss gnì fata fora söla parora de dui o trëi testimoni. Ne ti mëtel gnanca
averda a chi, spo ti al dijeste ala comunité. Ne ti mëtel gnanca averda
ala comunité, spo déssel ester por të sciöche n pagan o n publican.
Amen, i ves diji: Döt, ci ch'i liëis söla tera, chël sarà ince lié tl cil,
y döt, ci ch'i desliëis söla tera,
sarà ince deslié tl cil. Inant ves diji:
Döt, do ci che dui de os prëia deboriada
söla tera, ciafarai da mi Pere che é tl cil.
Deache olache dui o trëi é abinà
te mi inom, dailò sunsi iö amesa ëi ite.



Ci nes dij pa chësc vangele por la vita?

Ai mëmbri dla comunité ti vëgnel dit fredesc "sce to fre"

*Gejù ó ch'i restunse en conferta un cun l'ater
tambëgn cun chi che nes fej bries co cun chi ch'i l'un buna:
chirí le dialogh danter chi daite y ince cun chi defora y chi che stá sön ur.
Al é dërt ch'i se damanunse tres indô: Ci nes tègn pa adöm?
Por ciafé les dërtes respöstes, messunse ince magari
se destó da ci ch'i ên ausá cina incö.*

Dessigü nes tègn adöm la oraziun:

*"Döt, do ci che dui de os prëia deboriada, ciafarai da mi Pere che é tl cil."
I ne podun nia se desmentié ch'i sun duc desnüs y dër saurisc da ofëne,
bugn da fá de vigni sort, mo ince limitá te nosc savëi y te nostes poscibilités.
Mo i podun speré, sides t'l'armonia co ince tla discordia,
sc'i se porvun sinziermënter, ch'al stá sura nos l'impormetüda:
"Olache dui o trëi é abinà te mi inom, dailò sunsi iö amesa ëi ite."*

EDEMA LITURGICA	SAN MARTIN	LUNGIARÜ	 Por gragn y pici: Di agnui ëise dessigü bele aldí cuntan, forsc te na storia fora dla Bibla, deache la Bibla é plëna de agnui. Chël Bel Dî ürtia i agnui sciöche anunziadus a ti dí val' ala jënt. Por ejëmpl l'agno Gabriel che vá da Maria a ti incundé ch'ara cïafará n môt a chël ch'ara dess ti mëte inom Gejú. O Chël Bel Dî mëna n agno a daidé zacai. Por ejëmpl tl Testamënt Vedl l'agno Rafael che acompagnëia Tobias sön so iade. Al é ince agnui che dëida combate sciöche l'agno Michil. Dainré vëgnel cunté sciöche n te agno ciara fora, y porchël ne le savunse nia. La jënt s'á fat de vigni sort de imaginaziuns coche i agnui podess ciaré fora. Datrai ince sciöche mituns cun ares. Le pinsier me plej dër che i agnui ciara fora sciöche porsones y ince sciöche mituns. Deache tambëgn i gragn co i pici pó ester agnui: sciöche anunziadus de Chël Bel Dî, che ti cunta ala jënt de Chël Bel Dî y la dëida. <i>da Image</i>
06.09.20 23^a DOMËNIA - ann A DOMËNIA DI AGNUI COSTODI	9.00 Corona por vocaziuns 9.30 Gran Mëssa por la Comunité y benedisciun dl tëmp <i>(cun siur Klaus)</i> + suor Iustina Pescollderungg vis y def. fam. Alfred y Carla Verginer 14.00 Bato de Johanna Trebo, Tor	9.30 Corona por + Roslinda Deiacó 10.00 Gran Mëssa por la Comunité y mëssa de sopoltöra de Roslinda Deiacó Clara y benedisciun dl tëmp	
07.09.20 Lönesc <i>Judita, Otto, Regina</i>			
08.09.20 Dedolönesc <i>Nadé de Santa Maria</i>	19.30 Mëssa dl ann + Doro Verginer fam. Festini Pescollderungg		
09.09.20 Dedemesaledema <i>Pire Claver, Corbinian</i>		7.30 Mëssa + + Sepl y Carlo Rives	
10.09.20 Jöbia <i>Segra di Doms da Porsenú y Balsan</i>	7.30 Mëssa + Paul Ferdigg + Pire Unterweger, Cajer Corona por vocaziuns		
11.09.20 Vëndres <i>Felize, Helga</i>	19.00 Adoraziun chîta 19.30 Adoraziun deboriada	7.30 Mëssa 3 ^a de sopoltöra de + Paula Obojes, dl Craizer por les püres Animes	
12.09.20 Sabeda <i>Inom de Santa Maria, Miriam</i>	18.30 Mëssa prefestia + + Frida y Paul Vantsch por les families de Frida y Paul Vantsch	20.00 Mëssa prefestia por i nüc Emil y Nadia de reng. Nazio y Loise Clara y sües families + Albina Clara, Ai Jus	
13.09.20 24^a DOMËNIA - ann A	9.00 Corona 9.30 Gran Mëssa por la Comunité y benedisciun dl tëmp + siur Heinrich Videsott	7.55 Corona 8.15 Gran Mëssa por la Comunité y benedisciun dl tëmp	